

Naqqiut

Periutsikkut (teknikkikut) kiisalu naqinnerlutaq iluarsineqarsimammat siunnersuut 23. februar ullulerneqartoq taarserpaa.

Uunga siunnersuut: Kalaallit Nunaata Aatsitassarsiornermi Aningaasaateqarfia pillugu Inatsisartut inatsissaata allannguiteqartinneqarnera pillugu Inatsisartut inatsisaat.
 (Inuussutissarsiornermut Aatsitassanullu Naalakkersuisoq)

Saqquummiusissut

(Inuussutissarsiornermut Aatsitassanullu Naalakkersuisoq)

Siullermeerneqarnera

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allanngortinneqarnissaanut siunnersuutip taamaallaat Inatsisartut inatsisaani atuuttumi atuutilernissaa pillugu aalajangersakkamik allanngortitsisuuvvoq.

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat aatsaat atuutilissaaq ukiumi ataatsimi aatsitassanit landskarsimut isertitat 5 millioner kr. sinnerpagit. Taamaammat piumasaqaat taanna suli eqquutsinnejarsimannngimmat Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat suli atuutilinngilaq.

Siunnersuutip siunertaraa namminersorlutik oqartussat naalagaaffiup tapiissutaani ingiaqatigiittumik ikilisikkiartuaarnissaanut aningaasat killissarititaat qulakkeerneqassasoq, aningaasaateqarfiullu allaffissornermut aqunneqarneranullu aningaasartuutit aningaasaateqarfiup aningaasaataanut isertitaanullu naammaginartumik naleqqatigiinnissaat qulakkiissallugu.

Taamaammat siunnersuutip atuutilernissaanut aalajangersakkap allanngortinnejarsinerani ukiumi ataatsimi aningaasat aatsitassanit isertitat 5 mio. kr.-nit 75 mio. kr.-nut qaffanneqarput.

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat 2008-mi akuerineqarmat Kalaallit Nunaata Namminersorlutik Oqartussat pillugit inatsit suli akuerineqarsimannngilaq, aatsitassanillu isertitat taakkulu nassuaataanni aningaasat namminersorlutik oqartussat inatsisaannit malitsigisatut killissarititaasut suli taamani ilisimaneqarsimanatik.

Naalakkersuisut maanna naliliipput aningaasaatit 5 millioner koruuniusut isertitsissutaanissaanni siulersuisunut aqutsisunullu kiisalu allaffissornermut aningaasaateqarfiup aningaasartuutissai naammattumik matussusiiinissamut aningaasaateqarfik naammattunik isertitaqarsinnaanngimmat, tamannalu inatsisip atuutilinnginnerani aningaasat amerlassusissaat 75 millioner kroninut qaffannissaat pillugu siunnersummut aamma tunngaviuvoq.

Taama oqaaseqarlunga siunnersuut Inatsisartunut suliarisassanngorlugu tunniuppara.